

圓覺經畧疏之鈔卷第十五

精十

圭峯蘭若沙門寂審

於大鈔畧出

疏一知下二別釋是處非處智處是建立義
是依義然建立果善惡報也與果為依能起果法
故云處也智度云然此所釋依智度論不能一一標名是處不

精十

是處如實知一力也釋曰處者因果相當如
殺等墮地獄戒等生人天非處者反上謂殺
等生天戒墮地獄等若如此者無有是處故
言非也總知下論云此力是總餘九是別故
一切諸法等者正是總攝義也諸法不出因
緣果報故處非處成就正見破於倒見無不
具也故論釋是處非處不必定言因果然亦
不出因果故論云女身作輪王無是處二輪
王出世無是處惡行生天無是處乃至佛有
過失諸賢聖求外道為師諸賢聖自言是佛

諸賢聖墮惡道皆無是處故知總論一切矣
降伏下力之業用破非處也即無因惡因為
非處知之故能破之知人等者論云既徧知
已可度者度之不可者為作得度因緣如醫
知病可治不可疏二知下即過現未來業報
知病可治不可疏二知下即過現未來業報

智論云佛知是衆生業煩惱因緣故縛指此門

淨禪定三昧解脫因緣故解指第

三門是

一切衆生三世三種諸業諸煩惱輕重深淺麤細佛悉徧知故名是力却指此門又云知衆生過去未來現在諸業知造諸業處知因緣知果報二

力也據論所釋諸業與報相對有單有複論云業報智力者據論所說三性心中互受三性業報論云復次善心中受善不善無記業報不善心無記心亦如是應云不善心中受記心中受善不善無記報無記報及順現等者論云現報業因緣

故受現報生報業因緣故受生報後報業因緣故受後報不淨業因緣故受苦惱報淨業因緣故受無惱報雜業因緣故受雜業報然報與時互有定不定受其文甚廣如大鈔具有引釋知所度下業用下皆例此可如至文

更不指也問此與前力何別答前知所造此

知能造又前是總相此是別相疏三知下諸禪解脫三昧智也即前總中開此淨業對第二所知且總名淨不論云禪名四禪佛智是禪佐助道法名相義分次第熏修有漏學無漏學淨垢三昧深淺分別等八解脫如禪中分別相說禪攝一切色界定諸解脫攝一切禪定波羅蜜即是諸解脫禪定解脫三昧皆名為定定名為止不散亂也垢名愛見慢等諸煩惱淨名真禪定而離愛見慢等煩惱如真金分別名

諸定中有一心行一心行常行不常行難入易入難出易出別取相總取相轉治不轉治如淫欲中慈心瞋人不淨觀愚癡人思惟邊無邊掉戲心中用智慧分別諸法散心中欲攝一心若不爾者名不轉治及知等者生

色界無色界果及出世三乘聖果

前知能修神通疏四知下諸根勝劣智也謂信進念定慧此五通生出世間法故名根也由前修念

處正勤神足等二位故不可拔故前三至此總得名根於此五中復各有上中下品佛用

精十

三

此智知是根今世但能得初果不能得餘但能得初禪乃至能得聲聞中第一辟支中第一或是具足六度能得阿耨菩提如是知已或為畧說或廣說或善軟語或苦切語各隨宜得度故云知信等也

云云大鈔廣引緣起具釋疏五知

下即種種解智解即欲也論云欲名信喜好樂佛知衆生二種欲作上下根因緣二種欲善惡種種別異謂好五欲如孫陀羅難陀等好名聞如提婆達多等好世間財利如須那利多羅等好出家如耶舍等好頭陀如迦葉

等好多聞如阿難等云云弟子諸如是佛弟子各

各有所好凡夫人亦各各有所好或喜淫欲瞋恚令捨不淨增淨者既知好樂有染淨不同理宜令捨染增淨也前云根者知宿惑多少此知好樂不同又前唯信等入道利鈍之根此兼染淨之好疏六知下種種界智界即性也謂知諸衆生宿有一乘根性或三乘出世性或五乘世出世種性上皆習佛教成性也多貪多瞋多癡等分性乃至八萬四千上皆煩惱相因緣成種種性論云性名積習問此與前欲樂何異

答性則種子欲則現行從性生欲習欲成性問若習欲成性與前第四力知五根何異答性通善惡根唯信等入道之根也知即時等者論云知衆生如是性如是欲從是處來可度不可度必不必行何行生何處在何地云云今世可度後世可度即時可度異時可度異時可度之人佛能度是人聲聞能度是人必可度一一云是人必不可度畧說可度一一云廣說讚歎折伏將迎棄捨細法龐法苦切軟語云云疏七知下一切至處道智也今言一切道者善惡不動等三行及無漏行也至處者五道是有漏行所至處涅槃是無漏行所至處故論云一切善道一切惡道一切聖道各各知諸道至處佛悉徧知名第七力疏八知下即彼第九宿命無礙智今宿住者過去本生

本事住宿世故名為宿住經名宿命者謂宿一期住壽本生本事也論云宿命有三有通有明有力凡夫人但有通聲聞人亦通亦明佛亦通亦明亦力所以者何凡夫人通者得五但知宿命所經不知業因緣相續是故凡夫人

但有通無明聲聞人知集諦故了了知業因緣相續生以是故聲聞人亦有通亦有明若佛弟子先凡夫人時得宿命智入見諦道中知集因緣第八無漏心得斷見故通變為明所以者何明名見根本若佛弟子先得聖道

後宿命智生亦知集因緣力故通變為明佛用是明知已身及衆生無量無邊世中宿命因緣所更種種悉徧知為力問此與前至處智何異答前知前際隨念趣因此知前際名姓苦樂等事疏九知下即彼經第八天眼無

礙智佛眼淨過諸天眼見衆生死此生彼時端正醜陋若大若小若墮善道若墮惡道如是業因緣受報皆能正知故名此力依天眼發是故此智名天眼智十中獨此從所依得名餘皆從所知此約所知此智能知生死名生死智知境也論云佛用天眼見衆生生死處凡夫人用是天眼極多見四天下聲聞人極多傍見小千世界上下亦徧見問曰大梵王亦能見千世界有何等異答大梵王自於千世界中立則徧見若在邊立則不見餘處聲聞人則不爾在所住處常見千世界辟支佛見百千世界諸佛見無量無邊諸世界凡夫人天眼智是通而非明亦如是但見所有事不能見隨業因緣受生如宿命中說復次聲聞人用所住三昧心中入餘三昧天眼則滅佛則不爾心雖入餘三昧

天眼不滅疏十知下永斷習氣智也佛以世智知自知他漏盡解脫知自者論云諸漏盡故無漏心及智慧解脫現在法中自識知我已盡等知他者論云聲聞但知自盡漏諸佛亦盡他人漏上來別釋竟疏然佛下三總相料揀

論云問曰佛有無量力何以故但說十力答度人因緣故但說十力足辨其事謂以是處不是處智力分別籌量衆生是可度是不可度以業報智力分別籌量是人業障報障是無障此下標引之三知禪味著不味著四知根勝劣五知所樂六知所趣七籌量解脫門八知先所從來九知生處好醜十知漏盡涅槃佛用十力度脫衆生審諦不錯皆得具足論又云初力爲總攝九力爲度衆生故於中分別有九力云云大鈍精十列釋疏一正下二釋無所畏

經云四無所畏者誠實論云一切智一切漏盡能說障道及盡苦道若有人來如法問難我無所畏初一是前九智力第二是漏盡智力後二令他具足疏一正知下此第一正是薩婆若此云一切種智即無上菩提二則涅槃三由四則利他由

知一切法故名一切智佛心豈有他正覺覺世間謂佛下論中先顯其相後方結云一無畏等論初便云佛作誠言我是一切正智人若有沙門婆羅門云下當具引若論文則每一無畏之初皆有此言講者便應一一懸引備

得之亦問佛何以一切人天之類不可壞得無畏答誠實論云佛說二諦故不可壞凡夫無智亦不與諍又佛不與世間諍世間謂有佛亦說有世間謂無佛亦說無以其無諍故不可壞又真實論故不可壞不但隨語皆自心

知故不可壞釋曰論指五義故言無畏五者一不住真俗故若住著即可破二善巧隨機應之言無違諍故不可壞三不與世諍等者世間言有佛以即真之俗而應之世間謂無佛以即俗之真而應之然離真之俗是妄心

精十

七

所執故推徵其理必虧於即真之俗故所說不可破也四但據實理非勝負心只由心無所得故發言不失五世人言論皆是強作道理佛所說者如人見青黃說青黃見長短說長短故定不謬如何可壞論結云故佛告比丘汝等莫但信我語當自知見自身證行又言汝求諸無詭曲者若我晨說夕得夕說晨得疏二盡一切漏及習者論云佛作誠言一切漏盡若有沙門等三說一切下文勢準上誠實論云不善及有漏善障解脫故然障聖

道有其二種謂若執相不求真理則善與不善俱障若於教理信解真正依解修行之人則一切善法悉為助道惡不善法方為障道若就小乘聖道即唯欲為障說欲障道方為無畏四說出苦下論云誠哉我所說聖道能

出世間隨是行能盡諸苦若有人言佛作誠言下四段皆云佛作誠言我是一切正智人若有注釋此者皆依論文沙門出家婆羅門在家有智人若天地除除此天若魔六欲若梵梵王及一切色界若復餘衆所餘如實言若以現事若以因緣難是法不知與佛論何等法

有人言不說外道經書有言論須彌斤兩等因緣佛或不知此後說多是小乘外道有此疑者乃至不見是微畏相名因緣我不見小小因緣如法能來以相破我者以不見故諸天外道有此疑者是故我得安隱得無所畏安住聖主處如牛王在大眾中師子吼轉妙梵輪諸沙門婆羅

門若天若魔若梵若復餘衆實不能轉一無畏等備引一無畏以例三也故云我是一切皆同矣說此下二句是疏家撮畧大意而結也問何故說四無畏答有人言若一切衆生共知一切事尚難况佛一人而有一切智

此疑初無畏也餘三欲斷此疑難故佛自說無畏問何名無畏答得無所疑無所忌難智慧不却不沒衣毛不豎在在法中如法即作是無畏相此四中初二顯自功德後二利益衆生又一三說智二四說斷又如初示藥草

精十

八

疏智緣下三釋無礙智二依智度論雖全依論而初二與華嚴及諸論名有先後論則先義後法華嚴則先法後義今引經列名依十地論及清涼疏釋相論云義無礙智法無礙智辭無礙智樂說無礙智義無礙智者用名字言語所說事各各諸法相所謂地堅相此中地堅相是義地名字是法以言品說地是辭於三種智中樂說自在是樂說於此四事中通達無滯是名無礙智濕相水熱相火動相風心相思五陰無常相五受陰無常苦

精十

九

空相一切法無我相以是等總相別相分別諸法亦如是是名義無礙智法無礙智者知是義名字堅相名為地如是等一切名字分別中無滯是名法無礙智所以者何離義名字不可得知名必由於義以是故次義有法

問曰義之與名為合邪為離邪若合召火時應燒口若離說火時應得水答曰亦不合亦不離古人假為立名以名諸法後人因是名字識是事如是各各有名字是為法是名字及義云何令衆生得解當以言辭分別莊嚴

能令人解通達無滯是名辭無礙智說有道理開演無盡亦於禪定中得自在無滯是名樂說無礙智釋曰論以義為體相以法為名字故先義後法今疏意順諸論及華嚴經名是標舉義是顯示夫欲解義先須釋名名如前陳義當後說故法先義後餘義則全依論疏若約下二約華嚴經即第九地經其文有十種四無礙今畧用五側注者皆是釋義五中一者自相約總別以分法義經具云此菩薩以法無礙智知諸法自相色變碍為義無礙智知

自相等

義無礙智知

諸法別相如色有十種相等又一知下二同相約性相以分法義經云以法無礙智知諸法自性歸於性同理同也義無礙智知諸法生滅事同生滅故此下不具引經文但直釋疏中取意用者又一法下三行相經云法無礙智知現在差別以義無礙智知過

去未來法差別約三世以明法義是則當世而知名法智即法無礙也逆見過未能知現在名比智比量智也即是義無礙也又一知一相下四無我慢相約真俗以分法義經云法無礙智知諸法一相不壞第一義諦無我故云無我故言我知無我我證無我以有能所故也一相言不壞者不壞我則壞無我以有能所故也蘊處界諦緣起善巧世諦見我故又知一乘下五一乘諸乘相約權實以分法義經云法無礙智知一乘平等性觀不異也唯就彼根性有此一事實故義無礙智知諸乘差別性就彼根性有三乘五乘故今且畧舉十相中

五一
六七 以爲例也觀其文相皆法智知法體義智知義用故與智論名次不同後二則同者此四無礙雖皆智所緣境然初法義全
是所知之境境義增勝由境差別衆多故十
中皆別後辭無礙但是以言辭說前二說二

精十

+

時樂說不滯無別義體以目何行相故經文
雖一一各列四智之別後二義相皆同故今
疏云辭則說於等也又亦辭則當法無礙樂
說乃當義無礙也法有名數不可改張宣名
數者則當辭句義義是義理義意由人巧說
無定名句故智慧善巧妙辯機變之徒好樂
說之隨意而無礙也智論問力無所畏無礙
皆智慧內有力外無所畏即具足何以復說
無礙答力無畏已分別有人雖無所畏在大
衆中說法而有可礙以是故說四無礙智得

精十

士

是無礙智莊嚴四無所畏四無所畏莊嚴十
力疏力等下四釋不共法二一正釋言力等
者釋不共之義智論問曰是三十六法皆是
佛法何故獨以十八爲不共答謂二乘分有
十力四無畏故如舍利弗演法無礙佛讚善
法性又那律天眼又佛說弟

子中能師 三等應言一諸佛身無失二諸佛
口無失多劫戒定慧大成就三諸佛念無
失四念處心長夜修故援諸罪因緣及習故今意在文畧都以無失
結三業也四者佛於衆生無貴賤敵慢怨親
等異故常觀誰可度故觀彼本來清淨故五
者定名一心不亂亂心中不能得見實事如
水波蕩不得見面如風中燈不得好照佛心
如澄渟水如無風燈故無不定心問佛若常
定云何遊行說法答佛於諸法實相中定不
退失故欲界有定入定可說法故六者衆生

鈍根多覺苦受樂受於捨受中不覺不知而有捨心是爲愚使所使佛於不苦不樂受中知生住滅時故念念心中龐細深淺無不悉知知己而捨或捨衆入禪有人疑佛佛言我種種因緣知而故捨七者從此已下至第十

二一一皆有無減字今疏畧之最後都云無減者貫通前也初欲無減者欲謂樂欲佛知善法恩常欲集諸善法故修習心無厭足故故涅槃云一切善法欲爲其本論中又說老比丘目暗自縫僧伽梨針袵脫語諸人言誰

欲福德爲我袵針佛現其前我欲福德無厭足人汝持針來比丘識是佛聲白佛言佛無量功德海盡其邊底云何無厭足佛言無有如我知恩分者我本以欲無厭故成佛是故今猶不息八者如欲中說欲爲初行增長名

進欲唯意業進通三業又欲如人渴得飲精進如因緣方便求飲欲爲內精進爲外又佛說法背痛小息令阿難說法至精進覺支佛驚起坐三問阿難汝讚精進義邪阿難言讚如是至三佛言善哉善哉修精進乃至得阿耨菩提何況餘道又佛種種度生遇諸惡緣不生懈怠九者於三世諸佛一切智慧相應故論問曰先說念無失今復說念無減與此何別答失名錯誤減名不及故異於前者三世一切智慧力無畏無礙成就故慧無精十減如酥油豐饒燈炷清淨光明亦盛佛亦如是禪定如油念如燈炷故慧光無減又世世聞法讀誦思修問難故十一者無漏智慧相應故有爲解脫一切煩惱習盡故無爲解脫十二者於解脫中智慧無量無邊清淨故言

知見者論問曰但言知何復言見答言知言見事將堅固如世有知非見有見非知故具言即無疑譬言如繩二合一則牢無減者此二字貫通上六如前已說論問曰佛一切法中無減何故但六事中無減答一切自利利他

精十

三

中四事能具足欲求一切善法之根本精進能行念能守護如守門人善者聽入惡者遮止慧照一切煩惱用是四法事得成辦是四法果報有二種一者解脫二者解脫知見解脫義如先說解脫知見者用是解脫知見知是二種解脫相有爲無爲解脫知諸解脫相所謂時解脫不時解脫慧解脫俱解脫壞解脫不壞解脫八解脫不可思議解脫無礙解脫等十三四五者應云十三佛身業隨智慧行十四佛口業十五佛意業亦如是論云佛

一切身口意業先知後隨智慧行佛三業無不利益衆生故如經說諸佛乃至出入息利益衆生何況三業諸怨惡衆生聞佛出入息氣香皆得信心清淨愛樂於佛諸天聞香亦捨五欲修善故言隨智慧行二乘無此事如

憍梵波頭得羅漢自食吐而更食人如波頭摩波斯吒跳上梁抨畢陵伽罵河神等皆身口不隨智慧問佛曾入外道衆中說法都無信受者又曾在衆中現胃腹又曾現舌相馬陰藏相又罵諸弟子汝狂愚人汝死人食唾

人又結戒不許比丘畜八種鉢唯聽畜瓦鉢鐵鉢而自用石鉢有時外道難問而不答又處處說有我又說無我說諸法有又說無如是等似身口不隨智慧行身口不離意業意業亦應爾答曰不然於是諸事皆先有智慧

謂入外道以種後世大因緣故止外道謗言
佛自高慢故現腹者薩遮尼捷自言無人敵
得我難而不流汗者來至佛所佛質問之皆
不能答流汗淹地佛告尼捷汝試觀我流汗
不佛脫鬱多羅是其身因是外道大得信向

精十

齒

有人疑佛舌相故不得道故佛出舌覆面還
入口中見者斷疑得道有人疑佛馬陰藏相
不現佛化作馬示之言陰藏不現正如是也
見者斷疑能集善根發菩提心如是等因緣
故非戲論非無羞義佛罵比丘者有人宣以
苦切語有宜軟語皆得道故如駛馬見鞭影
即去鈍驢得痛手乃行亦如有瘡濡藥唾塗
即差有破出惡肉塗惡藥乃愈又佛言狂愚
人是軟語實語所以者何三毒發即是狂愚
故問前說三業無失與此何異答前不說因

緣今廣說因緣故謂由先以智慧起身口意
故得成前三業無失前果此因又佛成就三種淨
業三寂淨業三不護業有人疑佛何因緣成
就如是故佛言我以智慧然後三業隨智慧
故此上猶指畧引若要始終具見即覽大鈔十六七八等者由此

知三世故得二業隨智慧行以此釋前段也問過未
無體現在不住云何能知三世答若無過未
但有現在一念頃者佛亦不得成就無量功
德又一心中亦不得有十力智等難曰若三
世皆有者何等是無常等相無常名生滅敗

精十

十五

壞故若三世皆有便墮常見何以故是法未
來中定有轉來現在從現在轉入過去如人
從一房入一房不名失人如是即無罪福無
生死有無量過咎答三世各各有相非過未
有現在相又若無過未亦無出家律儀亦無

無五逆諸罪無死入地獄未來無業故無報
是爲邪見又我不說過未如現在相我說過
去雖滅可生憶想能生心心數法如昨日明
日火今日可生憶想現在心雖無作住相續
生故能知諸法疏問無下二通妨頂相等者

等於足下柔軟如是甚多皆非智慧法不應
在十八不共中又如佛身力如十萬白香象
力及神通力等皆不說釋曰說智慧者稱性
合體有理有義減惑生解浪情入證其自然果報法但
可欣樂而已不知其知故不說也上從力等
下指所用文言全依者謂不雜餘論於中用一華嚴

念四者根等各一念也戒三者正業語命也
信二者根力各一也輕安下各不言可知疏
初四下三牒文別釋七一釋念處四念處者
謂身受心法等四是念慧所觀之處亦名念
住佛令明記此身等四有不淨等四之過念

精子

大

於此住名四念住又由此四得念慧住釋之
文二一通大小乘言種子者有漏業因及父
母精血住處者生藏下熟藏上自相者九孔
常流自性者三十六物究竟者脣張爛壞三
受皆苦者爲衆生不了此身不淨貪著生愛

下二別釋三一牒經列數可知疏然但下二
類攝出體言各八者精進中四勤爲四更添
進根進力精進覺支正精進故爲八也定中
四神足及根力覺支正道各有一定爲八慧
中四念處此慧體隣及根等各一慧爲八言
中四念處此名念及根等各一慧爲八言

計之爲樂觀其三苦謂苦受苦樂受壞苦捨受行苦心無常者謂受樂故須觀心念念生滅何暇受樂法無我者即五蘊皆不自在何有我乎治凡夫四倒者疏序已釋疏又觀下二唯大乘觀是諸法無行經文其義破相

第十一

十六

亦可詳解治心乘者亦如前說疏四正下二

釋正勤四念處下明來意也精進下躡出體之勢便釋名也異外下釋正字雖是下釋四行相謂未生之惡誓令永不復生已生之惡皆不忍受斷滅除遣未生之善發起猛利希

願獲得已生之善不失不退數更修習成滿究竟疏四神下三釋神足初列別名次牒釋之樂欲者純生樂欲於不善因緣對治於善因緣功德出離皆正審思察住一境念由此多修習故觸一境性能害現行故名欲定無

第十一

十七

譬如有足者能往還能得能證出世勝法名神以世間勝法喻出世勝法故名爲神將彼到此故名足彼謂欲等然神足自體即是等持欲等四法皆是助伴疏五根下四釋五根言五根者根所緣境即四聖諦信者忍可諦理而爲上首能起餘四進者於前所信諦理策勤而行勤念者明記諦理不忘四念定者於諦理繫緣一境四慧者於諦理揀擇是非此五下釋根義由前下通難難云始入佛法即有信心云何至此方明信邪答初雖有信未

有定慧不得名根故云由前三科此此五不可
拔又進等前未成熟亦未名根故云前三至
此等疏五力下五釋五力即前等者力有二
義一不為他動即上句也二能伏於他即下
句也障即是內則損障外則伏魔梵等疏

七覺下六釋覺支七者一念二擇法三精進
四喜五輕安六定七捨文二一正釋疏文隨
列便釋依雜集論五支釋之言所依支者餘
六皆依明記之念而得起故自體支者擇法
是覺義故出離者由勤無間得出離故利益
者由心喜得身安樂故不染汙者皆離過義
故次下四句如次釋輕安定捨塵重散亂貪
憂是染汙義故塵重謂欲塵塵障轉依謂心
在定則轉與神通等爲所依故行捨者揀捨
受也此行捨是善十一中之一矣疏雖一下

精十

大

二通妨謂此覺支成就在於見道見道迅速
故刹那俱起恐疑云既一念起何得說七故
此通云雖一刹等意云功能不同不可言一
如七味香燭篩和合焚如麻子七香齊發所
言功能不同者謂念除妄念擇法除不正知
餘如次除懈怠憚沈塵重散亂掉舉疏八正
下七釋正道八正道者離於八邪開通涅槃
故此在修道位文二一正釋此文疏中列而便釋
言分別支者此能辨明除七是非取捨等也
誨示者發語示教利喜故令他信者若語不
契實或身無戒行不稱所說非法貪求經營
活命豈可令他信受行用今由此三皆正故
云是令他信支言見清淨者現量親證或比
量親鮮非傳他語而爲說也戒淨者上明鮮
此明行也行解二法先須明信命者有漏之

身理須資給但依教隨日乞食隨破乞帛等不為衣食故生心經營求得而守護繫於身心即名淨命清淨活命故具說淨命之相即次下依聖種等也聖種有四一常行乞食二著糞掃衣三石窟塹間樹下隨便而住四有

精十

丸

病以腐爛藥而治之亦名四依依此修行得成聖道故復名聖種五邪者一為利養詐現異相奇特二為利養自說功德三占相吉凶四高聲現威令人畏敬五者稱說所得利養以動人心將此五種以求活命故名邪命又

有四邪一下口食合藥種樹二仰口食觀視星宿三方口食曲媚權豪四維口食呪術卜筭皆如大小乘諸律論備說問離身語二業無別正命如何建立三種答婆沙云瞋癡所起身業語業名邪業邪語貪心所起二業即

名邪命疏淨煩惱者義同精進覺支中說正止舉相者一掉舉二惛沉故下句云不容沉掉若失正念即掉即沉沉掉是隨煩惱今正念能淨之最勝等者此勝功德等由心攀緣散動故障之不發今以正定止之故云能淨

若能如上分別也誨示思等等於
惟餘也即是道支之果疏上之下二總明次第有法喻對釋詳之可解婆沙智論皆有此文並以樹况道品故名道樹疏超越下二解餘文三身等者身謂法報化智謂大圓鏡等如文殊章說眼謂內眼天眼慧眼法眼佛眼通謂如意天眼天耳他心宿住漏盡地謂十地度謂十度六度果向謂須陀洹等各四緣謂十二緣諦謂四諦處即十徧處定即八定九次第定等者等於餘所不說一切無漏功德疏塵勞有八萬

四千者釋所治也古來釋云衆生煩惱根本有十然一惑力復各有十即爲百計應分爲九品但上品重故開爲三品中下輕故各爲一品合爲五百復於內外境起謂自五塵爲內以他五塵爲外一一各五百即爲五千別

迷四諦則成二萬并本一千則有一萬一千依三毒等分成八萬四千更有二說不能繁叙一一對翻下釋成所治謂本由迷真淨故成妄染今悟染本淨故無加減故清涼云遇三毒而三德圓入一塵而一心淨又有云六賊翻作六神通等餘如疏引起信論證疏問世下二總料揀三一問答料揀二一問可知疏答前下二答二一結前標後疏謂若下二以義正釋五一法說疏如有下二喻明疏觀智下三合法疏故下下四指文疏紙緣下五以理結定

精十

二十一

文並可知疏然上下二明染淨相由二一指配科段疏五段下二正彰染淨由不覺者對上覺圓明故名賴耶者對上顯心清淨乃至處眾諸有一一翻對本經言對治此等者正判此經稱性真實翻染行相疏然無下三通

伏難難云經中先說諸佛力無畏等後說道品因等文豈非倒故答云若約人等也據法本末者據真實法理本來是佛此是常住之果故名本也果然多劫迷之故成垢染須修習萬行翻於漏染漸修故云未也因也疏亦如下引證言根本等者

精十

主

論云若因滅論以根本無明爲因故則緣滅緣則境界相與後六塵爲生起之緣故彼疏云無明所起現識境界亦隨滅時亦隨滅時亦隨滅緣滅故相應心其相應龐顯是無明因生故無明滅時亦隨滅緣滅故相應心所相應龐顯之相應心滅依親明滅時亦隨滅緣滅故相應心六龐前四也是

心心所滅以四處觀依境界緣生相應也滅故境界滅時亦隨滅也今引此以證果先因後者以根本無明滅時佛果則顯今既先由無明滅方得境界等枝末不覺展轉而滅則果先因後對治展轉枝末是萬行因法故經自也正報云一切實相者既歷法

已盡故但通相躡之義如疏釋思之可見疏二一然凡下正釋義疏此乃下二通妨難難意云修觀行者一身覺性淨故得十方衆生覺性淨者應可一人修道多人成佛故疏通云此乃一人悟性知一切衆生本性等經依報中疏二一國土下別釋此文皆由自心者淨名云隨其心淨則佛土淨衆生劫燒等者法華經云衆生見劫盡大火所燒時器時也事在賢劫章中我此土安隱天人常充滿螺髻等者淨名經中螺髻梵王云我見釋迦牟尼佛土

清淨譬言如自在天宮我見此土丘陵坑坎荆棘沙礫土石諸山穢惡充滿識所見於是佛以足指按地即時三千世界若干百千珍寶嚴飾譬如寶莊嚴土一切大眾歎未曾有而皆自見坐寶蓮華況乃下道理轉諦的也且如上說心隨染淨之緣尚能於染見淨况心真性染淨俱清淨邪身土依真者如前引華嚴云普賢身相如虛空依真而住非國土上來正釋此段經文訖疏然上下二總明相躡翻對未覺之時妄

精十

二五

法生起次第釋成覺了還相躡為次第矣經空色同如中疏二一第二下敘科意此當泯絕等者即真空觀中有四句前七段即諸法即空淨不待除却諸法故當第三句空色無礙觀今空色俱如同於覺性稱性不動故當

第四泯絕無寄觀疏疎前下二正銷文二一
釋前四句三一正釋於中有法說喻明疏故
法下二引證並如文詳之疏然諸下三釋疑
疑云諸法即事覺性即理今既二法平等便
當理事無礙何得科判在真空觀中故此牒
疑辭便釋云夫理事等也疏還如下二釋後
諸句還如前七段等者釋結例之文也

圓覺經畧疏之鈔卷第十五